



Agencija za ravnopravnost spolova BiH Ministarstva za ljudska prava i izbjeglice Bosne i Hercegovine objavljuje:

JAVNI POZIV

za dostavljanje ponuda za konsultantske usluge

komparativne analize standarda

u projektu

„Jačanje kapaciteta institucija za rješavanje rodno zasnovanog nasilja u BiH“

O projektu

Projekat „Jačanje kapaciteta institucija za rješavanje rodno zasnovanog nasilja u BiH“ provodi Agencija za ravnopravnost spolova BiH, Ministarstva za ljudska prava i izbjeglice uz podršku Američke agencije za međunarodni razvoj (USAID).

Cilj projekta je povećati kvalitet usluga i jednak pristup svih žrtava prevenciji i zaštiti od rodno zasnovanog nasilja u BiH. Provedba projekta je počela 1. juna 2017.godine a završetak projekta je planiran za kraj 2019.godine.

U svrhu postizanja gore navedenog cilja, predviđena je realizacija nekoliko specifičnih aktivnosti u sljedeća tri glavna područja djelovanja:

1. *Usklađivanje regulatornog okvira i standarda za jednak pristup zaštiti i učinkovitijoj prevenciji rodno zasnovanog nasilja u BiH,*
2. *Izgradnja kapaciteta za bolji kvalitet zaštite od i prevencije rodno zasnovanog nasilja*
3. *Usaglašena metodologija i uspostavljeni mehanizmi za prikupljanje podataka, praćenje stanja i izvještavanje o rodno zasnovanom nasilju.*

Opis zadatka

Kao prvi korak u projektu koji ima za cilj izgradnju kapaciteta za bolji kvalitet zaštite od i prevencije rodno zasnovanog nasilja, Agencija za ravnopravnost spolova BiH Ministarstva za ljudska prava i izbjeglice BiH raspisuje poziv za angažiranje konsultanta/ice za sprovođenje komparativne analiza najboljih praksi u regiji, te analizu nivoa usaglašenosti postojećih standarda sa Istanbulskom konvencijom. Analiza također treba da identifikuje obim i prioritete amandmana na zakonske i podzakonske propise koje treba uvesti kako bi se uveli novi standardi, uskladio regulatorni okvir, obezbijedio jednak pristup zaštiti i učinkovitijoj prevenciji rodno zasnovanog nasilja u BiH.

Od konsultanta/ice se očekuje sljedeće:

- Izrada plana rada usaglašenog sa Agencijom za ravnopravnost spolova BiH Ministarstva za ljudska prava i izbjeglice BiH
- Komparativna analiza najboljih praksi u regionu

- Analiza nivoa usaglašenosti postojećih standarda zaštite i prevencije sa Istanbulskom konvencijom i usaglašenosti standarda unutar BiH,
- Plan prioriternih izmjena i dopunastandarda sa fokusom na planiranje i izvedivost provedbu
- Sastanci sa relevantnim sektorskim grupama, institucijama i pojedincima radi izrade preporuka i prijedloga izmjena u cilju harmonizacije sa Istanbulskom konvencijom
- Nacrta izmjena i dopuna zakonske i podzakonske regulative u oblasti standarda zaštite i prevencije
- Učešće u radu ekspertne grupe
- Izrada finalnog izvještaja sa opažanjima, zaključcima i preporukama za daljnje djelovanje

Uvjeti angažmana

Konsultant/ica će biti angažiran/a u period od 15.9. do 31.12.2017. godine na osnovu ugovora o djelu. Sjedište konsultanta/ice je Agencija za ravnopravnost spolova BiH Ministarstva za ljudska prava i izbjeglice BiH u Sarajevu. Angažman predviđa putovanja unutar Bosne i Hercegovine radi održavanja sastanaka sa relevantnim grupama, institucijama i pojedincima. Na ovaj javni poziv se mogu prijaviti konsultanti/ice iz Bosne i Hercegovine i zemalja okruženja. Obračun naknade za pružene usluge će se vršiti na osnovu broja dana angažmana. Okvirni period angažmana je 25 ekspert-dana u periodu od tri mjeseca.

Kvalifikacije konsultanta/ice

Kvalifikacione:

- Univerzitetska diploma
- Najmanje 5 godina radnog iskustva
- Najmanje 3 istraživačkog i analitičkog iskustva sa objavljenim publikacijama
- Aktivno znanje jednog od službenih jezika u Bosni i Hercegovini

Poželjne:

- Poznavanje pitanja vezanih za ravnopravnost spolova i Istanbulsku konvenciju
- Iskustvo u organizaciji i vođenju sastanaka
- Izražene komunikacijske i analitičke vještine
- Spremnost na timski rad i saradnju sa svim akterima
- Aktivno znanje engleskog jezika
- Vozačka dozvola „B“ kategorije

Način apliciranja

Ako ispunjavate gore navedene uvjete potrebno je da svoju ponudu dostavite na sljedeće adresu:

Ministarstvo za ljudska prava i izbjeglice BiH
Agencija za ravnopravnost spolova BiH
Kulovića 4,
71000 Sarajevo

ili putem elektronske pošte na adresu **protokol.ARSBiH@mhr.gov.ba** sa naznakom „za javni poziv analiza standarda“.

Ponuda mora da sadrži sljedeće: kratko prateće pismo (do 1000 riječi), biografiju kandidata/kinje i prijedlog plana rada u kojemu treba biti naznačena metodologiju rada, aktivnosti, očekivani rezultati i vrijeme potrebno za svaku od aktivnosti.

Rok za predaju ponude

Rok za predaju ponude je 10 dana od dana objavljivanja u sredstvima informisanja.